



Na osnovu člana 24. stav (3) Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj U-13/16) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj 13/19), a na zahtjev Federalnog ministarstva rada i socijalne politike, Agencija za državnu službu Federacije Bosne i Hercegovine, objavljuje

JAVNI KONKURS
za popunu radnih mjesta državnih službenika
u Federalnom ministarstvu rada i socijalne politike

Radna mjesta:

Odsjek za socijalnu zaštitu – Sektor za socijalnu zaštitu i zaštitu porodice i djece

01. Stručni savjetnik za ustanove socijalne zaštite - 1 (jedan) izvršilac

Odsjek za zaštitu porodice i djece - Sektor za socijalnu zaštitu i zaštitu porodice i djece

02. Stručni savjetnik za ekonomsko-finansijske poslove u oblasti zaštite porodice i djece

01. Opis poslova: izrađuje prednacрте i nacрте zakona, drugih propisa i općih akata i vrši nomotehničku obradu tih propisa, kao i izmjene i dopune propisa vezane za ustanove socijalne zaštite; izrađuje instrukcije, mišljenja, preporuke i smjernice u pogledu usklađivanja općih i internih akata federalnih ustanova socijalne zaštite s relevantnim propisima kojima je reguliran njihov rad i funkcioniranje; predlaže mjere i aktivnosti iz djelokruga svoga rada, te prati tok realizacije predloženih aktivnosti; izrađuje odgovarajuće materijale kojima se vrši informisanje nadležnih organa o stanju i problemima vezanim za ustanove socijalne zaštite i predlaže potrebne mjere za poboljšanje rada ustanova; predlaže potrebne mjere za provedbu transformacije ustanova socijalne zaštite i razvoj servisa podrške u lokalnoj zajednici; vrši monitoring nad provedbom planova i programa rada federalnih ustanova socijalne zaštite, te nadzor nad zakonitošću njihovog rada i organizira stručni nadzor nad njihovim radom u skladu sa Zakonom o ustanovama socijalne zaštite Federacije Bosne i Hercegovine; provodi procedure za izbor i imenovanje organa upravljanja i nadzora u federalnim ustanovama socijalne zaštite; saraduje s organizacijama iz vladinog i nevladinog sektora na provedbi procesa deinstitucionalizacije i transformacije ustanova socijalne zaštite; priprema stručna pravna mišljenja i objašnjenja za primjenu zakona, drugih propisa i općih akata povodom upita građana, pravnih lica i drugih subjekata ili po službenoj dužnosti; sačinjavanja odgovore i izjašnjenja na podneske (tužbe, žalbe i druge akte) u svim predmetima koji su u nadležnosti organizacione jedinice; obavlja i druge poslove po nalogu neposrednog rukovodioca.

Pripadajuća osnovna neto plaća: 1.742,50 KM

02. Opis poslova: prikuplja i obrađuje podatke o fiskalnim pokazateljima iz oblasti dječije zaštite, te na osnovu istih izrađuje analize, izvještaje, informacije i druge stručne i analitičke materijale; vrši procjenu i planiranje potrebnih sredstava za provođenje aktivnosti Ministarstva u oblasti dječije zaštite i prati njihovu usklađenost s relevantnim zakonima; sektorski prati i

kontrolira sredstva po transferima s finansijskog aspekta iz oblasti socijalne i dječije zaštite; obavlja poslove prikupljanja, obrade i unosa podataka za korisnike prava iz oblasti dječije zaštite; priprema i obrađuje spiskove za isplatu mjesečnih novčanih naknada korisnicima prava; vrši kontrolu nenamjenski utrošenih sredstava i provodi aktivnosti vezano za povrat istih; sudjeluje u izradi strateških i drugih dokumenata; priprema odgovore na upite građana, pravnih lica i drugih subjekata; obavlja i druge poslove po nalogu neposrednog rukovodioca.

Pripadajuća osnovna neto plaća: 1.742,50 KM

Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:

- da je državljanin Bosne i Hercegovine;
- da je stariji od 18 godina;
- da ima univerzitetsku diplomu ili druge obrazovne ili akademske kvalifikacije najmanje VII stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji i Bosne i Hercegovine;
- da je zdravstveno sposoban/a za vršenje određenih poslova predviđenih za to radno mjesto;
- da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
- da nije obuhvaćeno odredbom člana IX.1. Ustava Bosne i Hercegovine.

Pored općih uvjeta navedenih u javnom konkursu kandidati moraju ispunjavati i sljedeće posebne uvjete i to:

Za poziciju 01.

- VSS – VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova), ili drugog ili trećeg ciklusa Bolonjskog sistema studiranja, diploma visokog obrazovanja – pravne ili upravne struke,
- najmanje 3 (tri) godine radnog staža,
- poznavanje rada na računaru.

Za poziciju 02.

- VSS – VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova), ili drugog ili trećeg ciklusa Bolonjskog sistema studiranja, ekonomski fakultet,
- najmanje 3 (tri) godine radnog staža,
- poznavanje rada na računaru.

Prijavlivanje - potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Službi Agencije ili Odsjeka za postavljenja za federalne organe državne službe u Sarajevu, ul.Branilaca Sarajeva br. 15. ili na web stranici Agencije: www.ekonkurs.adsfbih.gov.ba).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme u skladu sa uslovima iz konkursa (original ili ovjerene kopije) na propisanom Obrascu uvjerenja (može se preuzeti u prostorijama Službi Agencije ili Odsjeka za postavljenja

za federalne organe državne službe u Sarajevu ul. Branilaca Sarajeva br. 15.. ili na web stranici Agencije: www.ekonkurs.adsfbih.gov.ba).

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, www.ekonkurs.adsfbih.gov.ba. Imena kandidata se ne objavljuju. Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uvjeta javnog konkursa.

Ovjerena fcc diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica.

Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uvjeta javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.

Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave u „Službenim novinama Federacije BiH“, neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH“, putem pošte, preporučeno na adresu:

**Agencija za državnu službu Federacije BiH
Odjeljenje za provedbu i praćenje primjene zakona o državnoj službi-
Odsjek za postavljenja za federalne organe državne službe
ul. Alipašina br. 6.**

**71000 Sarajevo
sa naznakom:**

**„Javni konkurs za popunu radnih mjesta državnih službenika
u Federalnom ministarstvu rada i socijalne politike (sa pozivom na broj: 06-30-8-
1123/24)“**

DIREKTOR

Refik Begić, magistar uprave